

Mascaruba cu Wadirikiri

ORANJESTAD — Despues di a asisti na e pre-estreno di e obra musical, Wadirikiri, di Mascaruba, como parti di e celebracion di nan 12 1/2 anja di existencia, por mira atras cu orgullo den nos cultura, creá den un Mascaruba, cu a pasa den friu y den cayente, pero cu a sobreviví pa brinda nos awe, un di e gruponan teatral mas popular y famoso di henter Antillas, y di Aruba muy en particular. "Si e hecho di

deleitá público tabata sumamente e meta, no tabatin asina tanto motibo recomendable pa celebra, pero ademá di pone e público goza, e grupo di Mascaruba a desempeña un papel importante den desaroyo di nos idioma vernáculo Papiamentu", palabranan di gezaghebber F. J. Tromp.

Den e prólogo di Ernesto Rozenstand autor di e obra aki ta lesa lo siguiente:

"Ora boso cohe e programa aki den boso man, diferente pensamiento ta pasa den boso mente. Mescos a pasami ora mi a scirbi e prólogo aki. Y mi promer impulso tabata: Conbidá boso drenta cu nos den un mundo cu a pasa. Un mundo misterioso yen di romance y musica. "WADIRIKIRI" no ta histórico, leew di esey.. E ta un obra cu a brota for di fantasia y cu ta basá riba e cuenta di e mes un nomber cu a sali hopi tempo pasá den e buki "Cuentanan Rubiano".

Tin cu menciona cu Wadirikiri ta un éxito más di Mascaruba, y ariba un bori ocasion esta e celebracion di nan 12 anja y mei. Apesar di ta un fantasia, e ta trece cune parti di nos existencia y nos generacion indjan. E cadena di éxito di Mascaruba a yega na 23 y lo sigi borda su mes mucho mas, pasobra manera Oslin Boekhoudt a expresá e gratitud di Mascaruba, promer cu Wadirikiri a ser presentá, of mihor bisá promer cu e teleton a lamta pa nos ya cuminsa apreciá un decor, cu a existi semper den mente di nos raza indian di Aruba.

No ta keda nos otro palabra sino di felicitacion na Mascaruba y na Ernesto Rozenstand y tur e elenco di nos propio artistanan, cu e presentacion di WADIRIKIRI, cual nos ta recomendá na henter Aruba pa presencia y celebra hunto cu Mascaruba nan 12 anja y mei di existencia.



Wadirikiri den braza di su único amor Pluma Blanca cu ta pertenecé na un otro tribu. 02 g... 20



Macuarima exigiendo Wadirikiri pa casa cu Bucuti uno cu e no tá, y no por stima.



udavecha e bruha su kiet bruha Wadirikiri su cabez pa e casa. Bucuti.



Bucuri den conquista di un muher di su tribu den un rato di baile y canto.